



UNIVERSITÄTS-
BIBLIOTHEK
PADERBORN

**Chronologiae Veteris Testamenti Accvratvm Examen
Augustißimæ, Invictissimæq[ue] Domui Austriacæ
Dicatvm**

Philippi, Henricus

Coloniae Agrippinae, 1637

27. Quot annos Iosephus in carcere fuerit. Gen.41.v.1.

[urn:nbn:de:hbz:466:1-64340](https://nbn-resolving.org/urn:nbn:de:hbz:466:1-64340)

CAPVT XLI.

GEN. v. 1.

Quot annos Iosephus in carcere fuerit.

Post duos annos vidit Pharaos somnium. Hos duos annos videtur Iosephus computare, ab eo tempore, quo impudicæ mulieris fraudibus Ioseph circumventus in carcerem impactus fuerat. Verum communis interpretum huius loci sententia est, horum duorum annorum initium, ab illo tempore sumendam, quo regius pincerna officio suo restitutus, & pistor in patibulum actus est. Ita Procopius, Del Rio, Pererius Cornelius, Bonfrerius, Menochius, in hunc locum, Gordonus, Tornellus, Salius, Petavius. Consentiunt plerique heterodoxorum, Caluissius, Capellus &c. Sic enim, nec aliter congruunt inter se finis cap. 40. Geneleos, cum initio sequentis, ita, vt post duos annos, quàm pincernæ & pistori sua somnia, Ioseph interpretatus fuerat, Pharaoni oblatum sit in somnium de his septem spicis fertilitatis, & sterilitatis indicibus. Antequam vero isti duo regij serui in vincula conijcerentur, Iosephi virtutes ita iam innotuerant, vt ei careeris Praefectus vinctorum custodiam prudenter committeret, vt patet ex fine cap. 39. Eam enim decursu temporis de Iosepho experientiam ceperat Princeps carceris, vt eius fidei duos illos Pharaonis famulos credere auderet. Gen. 40. v. 1. & 4. qui tamen non nisi exiguo temporis spatio, in carcere detenti videntur. ibid. v. 4. 12. 18. Quibus omnibus rite animaduensis colligit Pererius, Gen. 39. vers. 8. videri Iosephum ab insaniente hera tentatum fuisse, triennio ferme antequam è carcere in Aulam Pharaonis educeretur. Sic Iosephus carceris miserias tribus circiter annis pertulit, nempe ætatis suæ 28. 29. 30. vel latius deducunt authores iam laudati.

Ioseph tres annos in carcere.

Quomodo anni fertilitatis & famis ad Iosephi ætatem accommodentur.

GEN. 41. v. 29.

Ecce septem anni venient fertilitatis. Hos annos mox ab interpretatione somniorum Pharaonis cepisse innuit textus Hebræus: Ecce septem anni venientes, siue veniant & v. 32. quod autem vidisti secundo ad eandem rem pertinens somnium, firmitati iudicium est, eo quod fiat sermo Dei, & velocius impleatur. Quare existimo primum ubertatis annum iniisse fluente 31. ætatis Iosephi: cum vero iam essent transacti septem anni abundantia, & duo penuria, Iosephus 39. annos natus, parentem accersit, disertè asserens, quinque annos famis adhuc esse residuos. Genes. 45.

Annus 1. ubertatis inijt anno Iosephi 31.

Q 3

vers. 11.

verf. 11. Currente ergo anno 3. inopia Jacob in Ægyptum descendit, anno suo 131. Iosephi quadagesimo, vt habet Demetrius apud Eusebium lib. 9. præp. cap. vltimo, Peraius anno m. 2237. Nec obstat, quod S. Augustinus, Eusebius, Syncellus, Marianus Scotus dicant Jacob in Ægyptum descendisse anno 2. firmis: id enim de completo intelligitur, quod satis indicat ipse S. Augustinus, q. 128. in Genesin sic scribens: Euidenter autem Scriptura dicit, triginta annorum fuisse Ioseph, quando inuocauit Pharaoni. Cum ergo ipse anno 17. et ætate sua venditus fuisset datur, tredecim annos peregerat in Ægypto ignotus Pharaoni: ad hos autem 13. annos, accesserunt 7. anni vbertatis, & facti sunt anni 20. His addantur, 2. quia secundo anno Ioseph intrauit Jacob Ægyptum cum filijs suis, & inueniuntur 22. anni, quibus absuit Ioseph à patre & fratribus suis. Hæc S. Doctor: qui sicut annum 17. Iosephi completum accipit, dum ab eo ad tricesimum numerat annos 13. ita annum secundum vbertatis Ioseph, annos vbertatis computat. Idem habet lib. 18. de ciuit. cap. 4. vbi ab anno trigesimo vitæ Iosephi exclusiue, vsque ad descensum in Ægyptum computat annos 7. fertilitatis, & biennium sterilitatis. Idem docet Peraius Gen. 41. disput. 6. §. Tertia causa. Salius an. m. 2329. à quo non discrepat Peraius lib. 9. cap. 24. vbi ait Iosephum egisse annum quadagesimum, quando patrem cum suis venientem suscepit.

CAPVT XLVI.

GEN. v. 15.

Regula
Notanda.

HI sunt filij Lia, quos genuit in Mesopotamia Syria. Aliqui in Ægypto nati habentur, capite inter eos recensentur, quos sacra eloquia natos referunt in Mesopotamia ante descensum in Ægyptum, vt Hefron & Hamul. Quia dum Scriptura plures in vnam summam aut catalogum colligit, solet quandoque de ijs ita loqui, vt id quod omnibus & singulis quodammodo tribuere videtur, plerisque tantum conueniat, & aliqui è numero reuera excipiendi sunt. Scilicet Gen. 35. v. 26. cum Moyses filios Iacobi recensuisset, addit: *Hi sunt filij Iacobi nati sunt in Mesopotamia Syria: excepto scilicet Beniamino, quem constat natus esse, post Iacobi è Mesopotamia reditum in terram Chanaan, vt notant alij dem interpretes.*

Eodem sensu intelligi potest, quod isti Hefron & Hamul, alijque nonnulli hoc capite numerati dicuntur ingressi cum Iacobo in Ægyptum. Quamquam & aliter id explicari potest, nempe quatenus erant in lumbis & virtute generatiua parentum in Ægyptum descendentium; quo sensu Leui dicitur Melchisedech decho decimas dedisse. Heb. 7. verf. 9. Addunt plerique descensum suum in Ægyptum.

sum Iacobi in Aegyptum, extendi ad annos 17. quos Iacob in Aegypto vixit: imò vsque ad obitum Iosephi, eo quod procurante & vocante Iosepho, Israël in Aegyptum descenderit. Ita Abulensis, Pererius, Del Rio, Cornelius, Bonfrerius, Menochius in cap. 46. Gen. ex S. Aug. q. 173. in Genesin, consentit Sallianus an. m. 2; 29. num. 11. Petavius lib. 9. sub finem cap. 19.

CAPVT XLVII.

GEN. v. 9. & 18.

Dies peregrinationis meae centum triginta annorum sunt. Huius ætatis erat Iacob cum in Aegyptum à Iosepho annos 39. nato accersitus venit, tota Israëlitarum, quæ tunc erat comitante progenie, exceptis Iosepho & filijs eius, qui iam erant in terra Aegypti. Id accidit anno 2. famis exacto, ab Orbe condito, ut a bitur corrente anno 2; 29. à diluio 673. ætæ Babylonicæ 522. à promissione 216. instante vel ineunte: ante Exodum 215, ante ingressum in terram promissionis 255. ante regnum Davidis 651. ante templum Salomonis 694. ante regnum Israël 731. ante Christi æram 1712. Cum verò Scriptura dixisset, Iacob in Aegypto vixisse 17. annos; subdit, v. 28. *falsiq; sunt omnes dies vite illius centum quadraginta septem annorum.* quod ex dictis manifestum est. Addit Sallianus in Epitaphio Iacobi, eum 84. annos cœlibem vixisse, cum Abrahamo aut 15. tres & sexaginta cum Ismaële patruo, centum & viginti cum patre suo Isaac: quæ omnia perspicuè exhibent tabulæ nostræ expansæ, quæ obitum Iacobi anno ante Christum 1695. repræsentant.

Quando Iacob in Aegyptum descendit

CAPVT L.

GEN. v. 25.

Ioseph mortuus est expletis centum decem vite sue annis. Vixit cum patre & fratribus suis vsque ad annum vitæ suæ 17. deinde in herili domo & seruiture annos 10. in carcere 3. in principatu 80. post descensum in Aegyptum 71. Morde Iosephi clauditur liber Geneleos, qui continet annos 2399. ex eorum sententia qui Cainan iuniorem agnoscunt, & ortum Abrahamæ ad annum 130. Thare dilatam putant.

Ætas & obitus Iosephi.

* * *

IN